

Malihkinuwi-Waponahkik Piley Etoli-saposakiyut Ekehkimucik Pemikotok (MTYA)

Neket 2019-2020 kehsikotok, qeni-lukhotiyiq kmewiyawinya 'ciw kupituwinemk, Malihkinuwi-Waponahkik Kehkiketuwakon (DOE) 'kocicihtuniya eli-cuwi-wicuhkemat neqtakutomuhtiliciji, ekehkimuciji, nutokehkikemiliciji, naka kehkiketuwakoni-nihkani-gasqiktuhtiliciji, weci-kisi-psonomuhtit wicuhketikonol 'ciw wasisok etolokehkimsihtit. Yut oloqiw, DOE mace-nisoluhkamal [NWEAwol](#), [not kisihtaq MAP](#), [eli-kisi-saposakihtasik tan peci-kisikihtit ekehkimucik](#).

Ktanaqsuwok nutokehkemecik nemsotayiw Malihkinuwi-Waponahkik 'totoluwehkaniya NWEA-MAP etoli-saposakihtasik tan etoli-kisikihtit ekehkimucik; saku DOE 'kisi-nisoluhkamal NWEA-wol weci-kisihtuhtit piley, mesq nemihtasinuhk saposakihtasuwakon 'ciw psi-te ekehkimucik Malihkinuwi-Waponahkik: yut MTYA Ekisultimk naka Mawwikhikhotimk. MTYA 'tahtoli-tpaskutun eli-kisikultihtit ekehkimucik pemikotok; naka mehcikotok, saposakiyak eli-peci-kisikultihtit—aqamok katok kotokik ekehkimucik Malihkinuwi-Waponahkik, tetpi-te, kosona nuhtoqayiw.

Niktok ekehkimucik teppultihtit nihi tokkiw oqomulcin, naka 'qotinsk, koti-wici-saposakiyak ewehkasik MTYA. Amsqahs koti-gasqiktasu MTYA toke Siqonomeqi-kisuhs 2023. Nit-te apc 'ci-maciw toqakuwiw 2023 ekehkimucik koti-saposakiyak ewehkasik MTYA toqakuwiw, puniw (tokec pawatasik) naka siqoniw. Niktok ekehkimucik mili-'tawatuwahtit kisi-mace-kehkimut 'ci-maciw Piyatqonisuwu-kisuhs new kehsokiskahk 2022, nit siqoni-saposakihtuwakon kisi-qecehtasu tokec pawatasik.

Eli-kinuwikok nit MTYA

- Yut saposakihtuwakon **kisuwehkasu kompiyuhtawihkuk**. Tokec ekehkimut papehci-asitewtok, cipotu-tehc nomihtun qecikesuwakon aqami-motuweyik. Tokec wapoli-asitewtok, cipotu-tehc nomihtun qecikesuwakon aqami-'komaseyik. Nit oloqiw, yut MTYA ahtoli-acehtasu, weci-kinuwi-saposakiyut yat-te wen ekehkimut..
- Yut saposakihtuwakon kisihtasu weci yat-te wen ekehkimut nit kisoluhkatok **tan qeni-pawatok**, weci-kisi-asitewtok psi-te qecikesuwakonol. Eluwe-tehc psi-te wen oli-saposakiya kamahcin kehsinsk eli-nehsemok 'ciw Ekisultimk naka-na Mawwikhikhotimk.
- Ewehkasik yut saposakihtuwakon, nutokehkikemicik **nit-tehc 'koti-kcicihtuniya** eli-kisulomuhtit ekehkimucik weci-kisi-maciyahsuwasihtit tan-oc ketuwokehkikemihtit. 'Ci-maciw toqakuwiw 2023, nutokehkikemicik 'koti-kcicihtuniya tan kisehtuhtit etolokehkimaciji, sepawonuk kosona kotoki-sep.
- Yuhtol saposakihtuwakonol, toqakuwiw, puniw, naka siqoniw, kisuwehkasuwol **weci-kcicihqahk tan kisikultihtit ekehkimucik** pemikotok. Yut siqoni-saposakihtuwakon kisuwehkasu **weci-kisi-tpaskutasik eli-kisehtuhtit ekehkimucik nomociniw kotokik tetpopultihtit**. Tokec koti-aqami-woli-nonuwt etolokehkimot—keq 'kocicihtun naka keq 'kisihtun—kotuwuwehkan kotokil saposakihtuwakonol, ihtolokehkitimok naka wasis ihtolokehkimut.
- Milikonul **ceconihikonol 'komastetul** weci yut saposakihtuwakon tetpahtek tahalu elokehkimut wasisok ehtahsikiskahk—nekomastekil tahalu-te ceconihikonol naka acehtasikil 'ciw kinuwi-ekehkimucik, niktok etolokehkimsihtit eli-ikolisomanatuwehtit, 504 Olsuwakonol, naka IEPol.

Toke keti-gasqiktasik Malihkinuwi-Waponahkik saposakihtasuwakonol, cipotu-te koti-acehtasu ellukhotihtit ekehkimucik—tan ellukhotihtit naka tayuwe lukhotuwok. Neqtakutomuhticik 'kisewestwamawa nutokehkikemiliciji naka nihkanatpaliciji weci psi-te wen nostok naka mawoluhket, naka weci **psi-te** ekehkimut woli-saposakiyut.

Tokec koti-aqami-kcicihtuwon 'ciw yut piley MTYA, lewestuwaman knican etolokehkimiht, kosona nihkanatpat ihtolokehkitimok.